

《大方廣佛華嚴經、普賢行願品》 講座：

「普賢十大願」 (1)：【經文：偈誦與長行】

('The Samantabhadra's Ten Vows' Quoted from the
“*Discourse on Samantabhadra's Beneficence Aspirations*
of the *Avatamsaka Sutra*”)

主講者 (Lecturer)：

釋心宏 (Ven. Shinhong Shih)

時間 (Time)：04/09/2003--08/09/2003

地點 (Place)：新加坡 (Singapore)、大悲佛教中心

主辦單位：淨土梵音 (Pure Land Marketing)

「普賢十大願」

- ◎ 講題 (Topic): 「普賢十大願」
- ◎ 教材 (Teaching Material): 民國、釋諦閑法師編 (1927) 《普賢行願品輯要疏》，台北：佛陀教育基金會印贈 (2002)。【重新排版】
- ◎ 時間 (Time): 04/09/2003--08/09/2003
- ◎ 地點 (Place): 新加坡 (Singapore)、大悲佛教中心
- ◎ 講義編撰者 (Handout Composer): 釋心宏敬編 (Shinhong Shih composed)
- ◎ 講義內容 (Content of the Handout):
 - I. 有關《華嚴經普賢行願品》的參考書目 (中、英)
 - II. 《華嚴經普賢行願品》—「普賢十大願」:【經文：偈誦與長行】
 - III. 《華嚴經普賢行願品》—「普賢十大願」:【補充資料】
 - IV. 《廣大發願頌》，龍樹菩薩造、施護等譯。
 - V. 「普賢菩薩發願文」，天台宗、智者大師撰。
- ◎ 法寶流通方式：MP3 (本講座的演講內容，可從下列網站下載
The lecture material can be also downloaded from this website:
<http://www.budaedu.org.tw>)

I. 有關《華嚴經普賢行願品》的參考書目（中、英）

（Chinese & English Bibliography）

I. 佛教典籍及古人著述：

- 1.) 唐、法藏大師著 《華嚴經探玄記》（晉譯六十華嚴），台北：佛陀教育基金會（二冊精裝本；2002）。
- 2.) 唐、澄觀大師著 《華嚴經疏鈔》（唐譯八十華嚴），台北：佛陀教育基金會（四冊精裝本；2002）。
- 3.) 唐、澄觀大師著 《華嚴經普賢行願品疏》（唐譯四十華嚴），台北：華藏圖書館（1980）。
- 4.) 唐、李通玄長者著 《華嚴經合論》（上、下），台北：新文豐出版社（1977）。
- 5.) 清、道霈法師編《華嚴經疏論纂要》，台北：佛陀教育基金會（三冊精裝本；2003）。
- 6.) ※唐、宗密法師撰《普賢行願品別行疏鈔》，台北：佛陀教育基金會（重新排版；2003）。
- 7.) 民國、李圓淨編（1989）《大方廣佛華嚴經疏科文表解》，台北：佛陀教育基金會。
- 8.) 釋智儼等（1975），《華嚴義海》，台北：河洛圖書出版社。
- 9.) 宋、戒環法師集《大方廣佛華嚴經要解》，台北：佛陀教育基金會（2003）。
- 10.) 《華嚴經傳記、五台山靈迹》（合刊），台南：和裕出版社（1994）。
- 11.) 民國、印光大師修訂（1978）《四大名山志：清涼山志、峨眉山志》，台北：佛教出版社。
- 12.) 大藏經第三十五、三十六、四十五冊：有許多很好的中國祖師註疏。

II. 近代著作：

- 12.) ※高峰了州著、釋慧嶽譯（1979）《華嚴思想史》，台北：中華佛教文獻編撰社。
- 13.) 方東美著（1981）《華嚴宗哲學》，台北：黎明文化事業公司。
- 14.) ※印順法師著（1981）《初期大乘佛教之起源與開展》（第十三章華嚴法門），台北：正聞出版社。
- 15.) 吳汝鈞著（1984）《龍樹與華嚴哲學》，台灣：內明雜誌 N0.151。
- 16.) 智諭法師撰（1985）《華嚴五教止觀淺導》，台北三峽：西蓮淨苑。
- 17.) 智諭法師撰（1985）《修大方廣佛華嚴法界觀門直解》，台北三峽：西蓮淨苑。
- 18.) 楊政河著（1987）《華嚴哲學研究》，台北：慧炬出版社。
- 19.) 冉雲華著（1988）《宗密》，台北：台北東大圖書公司。
- 20.) ※川田熊太郎、中村元等著、李世傑譯（1989）《華嚴思想》，台北：法爾出版社。
- 21.) 智諭法師撰（1990）《華嚴一乘十玄門探玄》，台北三峽：西蓮淨苑。
- 22.) 智諭法師撰（1990）《普賢行願品述義》，台北三峽：西蓮淨苑。
- 23.) 傅偉勳（1990）《從創造的詮釋學到大乘佛學》，台北：台北東大圖書公司。
- 24.) 黃智海（1990）《普賢菩薩行願品白話解釋》，台北：聖國印刷有限公司。

- 25.) 方天立著 (1991) 《法藏》，台北：台北東大圖書公司。
- 26.) ※木村清孝 (1992) 《中國華嚴思想史》，日本東京：平樂寺書店。
- 27.) ※智諭法師指導 (1993) 《華嚴一乘十玄門修學記》(上、中、下)，台北三峽：西蓮淨苑。
- 28.) 繼夢法師著 (1993) 《華嚴宗哲學概要》，台北：圓明出版社。
- 29.) 繼夢法師著 (1993) 《華嚴經淨行品剖裂玄義疏》，台北：圓明出版社。
- 30.) ※※鄧克銘著 (1997) 《華嚴思想之心與法界》，台北：文津出版社。
- 31.) 淨空法師選定 (2002) 《華嚴選讀》，台北：佛陀教育基金會。【重新排版】

III. 有關《華嚴經普賢行願品》的外文翻譯：

- 1.) Cleary, Thomas trans. (1993) *The Flower Ornament Scripture: A Translation of the Avatamsaka Sutra*, USA: Shambhala Publications. (唐譯八十華嚴)
- 2.) Shao, Simpei trans. (2000) "Discourse on Samantabhadra's Beneficence Aspirations, Taipei: Huayen Lotus Society.台北：華嚴蓮社。(《普賢行願品》一卷)

2 《華嚴經普賢行願品》—「普賢十大願」：【經文：偈誦與長行】

04~08/09/2003 釋心宏敬編

4 經文全名：大方廣佛華嚴經（第四十卷）、入不思議解脫境界普賢行願品（闍
賓國、三藏法師般若 奉詔譯）

6 ◎序分：爾時普賢菩薩摩訶薩。稱歎如來勝功德已。告諸菩薩及善財言。善男子。如
來功德。假使十方一切諸佛經不可說不可說佛刹。極微塵數劫。相續演說不可窮盡。若
8 欲成就此功德門。應修十種廣大行願。

◎正宗分：（一）、正示行願 （二）、顯經勝德 （三）、勸囑受持

10 （一）、正示行願：

何等爲十。一者禮敬諸佛。二者稱讚如來。三者廣修供養。四者懺悔業障。五者隨喜功
12 德。六者請轉法輪。七者請佛住世。八者常隨佛學。九者恒順眾生。十者普皆迴向。
善財白言。大聖。云何禮敬乃至迴向。

14 I. 禮敬諸佛：

V1. 所有十方世界中 三世一切人師子 我以清淨身語意 一切遍禮盡無餘

16 V2. 普賢行願威神力 普現一切如來前 一身復現刹塵身 一一遍禮刹塵佛
普賢菩薩。告善財言。善男子。言禮敬諸佛者。所有盡法界。虛空界。十方三世一切佛
18 刹極微塵數諸佛世尊。我以普賢行願力故。起深信解。如對目前。悉以清淨身語意業。
常修禮敬。一一佛所。皆現不可說不可說佛刹。極微塵數身。一一身遍禮不可說不可說
20 佛刹。極微塵數佛。虛空界盡。我禮乃盡。以虛空界不可盡故。我此禮敬無有窮盡。
如是乃至眾生界盡。眾生業盡。眾生煩惱盡。我禮乃盡。而眾生界。乃至煩惱無有盡故。
22 我此禮敬無有窮盡。念念相續。無有間斷。身語意業。無有疲厭。

II. 稱讚如來：

24 V3. 於一塵中塵數佛 各處菩薩眾會中 無盡法界塵亦然 深信諸佛皆充滿

V4. 各以一切音聲海 普出無盡妙言辭 盡於未來一切劫 讚佛甚深功德海

2 復次善男子。言稱讚如來者。所有盡法界。虛空界。十方三世一切刹土。所有極微。一一塵中。皆有一切世界極微塵數佛。一一佛所。皆有菩薩海會圍遶。我當悉以甚深勝解。
4 現前知見。各以出過辯才天女微妙舌根。一一舌根。出無盡音聲海。一一音聲。出一切言辭海。稱揚讚歎一切如來諸功德海。窮未來際。相續不斷。盡於法界。無不周遍。
6 如是虛空界盡。眾生界盡。眾生業盡。眾生煩惱盡。我讚乃盡。而虛空界乃至煩惱。無有盡故。我此讚歎無有窮盡。念念相續。無有間斷。身語意業。無有疲厭。

8 III. 廣修供養：

V5. 以諸最勝妙華鬘 伎樂塗香及傘蓋 如是最勝莊嚴具 我以供養諸如來

10 V6. 最勝衣服最勝香 末香燒香與燈燭 一一皆如妙高聚 我悉供養諸如來

V7. 我以廣大勝解心 深信一切三世佛 悉以普賢行願力 普遍供養諸如來

12 復次善男子。言廣修供養者。所有盡法界。虛空界。十方三世一切佛刹極微塵中。一一各有一切世界極微塵數佛。一一佛所。種種菩薩海會圍遶。我以普賢行願力故。起深信解。現前知見。悉以上妙諸供養具。而為供養。所謂華雲鬘雲。天音樂雲。天傘蓋雲。天衣服雲。天種種香塗香燒香末香。如是等雲。一一量如須彌山王。然種種燈。酥燈油燈諸香油燈。一一燈炷。如須彌山。一一燈油。如大海水。以如是等諸供養具。常為供養。

18 善男子。諸供養中。法供養最。所謂如說修行供養。利益眾生供養。攝受眾生供養。代眾生苦供養。勤修善根供養。不捨菩薩業供養。不離菩提心供養。善男子。如前供養無量功德。比法供養。一念功德。百分不及一。千分不及一。百千俱胝那由他分。迦羅分。算分。數分。論分。優婆尼沙陀分。亦不及一。

22 何以故。以諸如來尊重法故。以如說修行出生諸佛故。若諸菩薩。行法供養。則得成就供養如來。如是修行。是真供養故。此廣大最勝供養。

24 虛空界盡。眾生界盡。眾生業盡。眾生煩惱盡。我供乃盡。而虛空界。乃至煩惱。不可盡故。我此供養。亦無有盡。念念相續。無有間斷。身語意業。無有疲厭。

26 IV. 懺除（悔）業障：

V8. 我昔所造諸惡業 皆由無始貪恚癡 從身語意之所生 一切我今皆懺悔

28 復次善男子。言懺除業障者。菩薩自念。我於過去無始劫中。由貪瞋癡。發身口意。作諸惡業。無量無邊。若此惡業。有體相者。盡虛空界不能容受。我今悉以清淨三業。遍
30 於法界極微塵刹一切諸佛菩薩眾前。誠心懺悔。後不復造。恒住淨戒。一切功德。

2 如是虛空界盡。眾生界盡。眾生業盡。眾生煩惱盡。我懺乃盡。而虛空界。乃至眾生煩惱。不可盡故。我此懺悔無有窮盡。念念相續。無有間斷。身語意業。無有疲厭。

4 **V. 隨喜功德：**

V9. 十方一切諸眾生 二乘有學及無學 一切如來與菩薩 所有功德皆隨喜
6 復次善男子。言隨喜功德者。所有盡法界。虛空界。十方三世一切佛刹極微塵數諸佛如來。從初發心。爲一切智。勤修福聚。不惜身命。經不可說不可說佛刹極微塵數劫。一一劫中。捨不可說不可說佛刹極微塵數頭目手足。如是一切難行苦行。圓滿種種波羅蜜門。證入種種菩薩智地。成就諸佛無上菩提。及般涅槃。分布舍利。所有善根。我皆隨
8 喜。

及彼十方一切世界。六趣四生。一切種類。所有功德。乃至一塵。我皆隨喜。

12 十方三世一切聲聞。及辟支佛。有學無學。所有功德。我皆隨喜。

一切菩薩所修無量難行苦行。志求無上正等菩提。廣大功德。我皆隨喜。

14 如是虛空界盡。眾生界盡。眾生業盡。眾生煩惱盡。我此隨喜。無有窮盡。念念相續。無有間斷。身語意業。無有疲厭。

16 **VI. 請轉法輪：**

V10. 十方所有世間燈 最初成就菩提者 我今一切皆勸請 轉於無上妙法輪
18 復次善男子。言請轉法輪者。所有盡法界。虛空界。十方三世一切佛刹極微塵中。一一各有不可說不可說佛刹極微塵數廣大佛刹。一一刹中。念念有不可說不可說。佛刹極微
20 塵數一切諸佛成等正覺。一切菩薩海會圍遶。

而我悉以身口意業。種種方便。懇懃勸請。轉妙法輪。

22 如是虛空界盡。眾生界盡。眾生業盡。眾生煩惱盡。我常勸請一切諸佛。轉正法輪。無有窮盡。念念相續。無有間斷。身語意業。無有疲厭。

24 **VII. 請佛住世：**

V11. 諸佛若欲示涅槃 我悉至誠而勸請 唯願久住刹塵劫 利樂一切諸眾生

26 復次善男子。言請佛住世者。所有盡法界。虛空界。十方三世一切佛刹極微塵數諸佛如來。將欲示現般涅槃者。及諸菩薩。聲聞緣覺。有學無學。乃至一切諸善知識。我悉勸
28 請。莫入涅槃。經於一切佛刹極微塵數劫。爲欲利樂一切眾生。

2 如是虛空界盡。眾生界盡。眾生業盡。眾生煩惱盡。我此勸請無有窮盡。念念相續。無有間斷。身語意業。無有疲厭。

4 VIII. 常隨佛學：

V12. 所有禮讚供養福 請佛住世轉法輪 隨喜懺悔諸善根 迴向眾生及佛道

6 【此偈合頌後三願：8.常隨佛學 9.恒順眾生 10.普皆迴向】

V13. 我隨一切如來學 修習普賢圓滿行 供養過去諸如來 及與現在十方佛

8 V14. 未來一切天人師 一切意樂皆圓滿 我願普隨三世學 速得成就大菩提
復次善男子。言常隨佛學者。如此娑婆世界。毘盧遮那如來。從初發心。精進不退。以
10 不可說不可說身命而為布施。剝皮為紙。折骨為筆。刺血為墨。書寫經典。積如須彌。
為重法故。不惜身命。何況王位。城邑聚落。宮殿園林。一切所有。及餘種種難行苦行。
12 乃至樹下成大菩提。示種種神通起種種變化。現種種佛身。處種種眾會。或處一切諸大
菩薩眾會道場。或處聲聞及辟支佛眾會道場。或處轉輪聖王小王眷屬眾會道場。或處刹
14 刹及婆羅門長者居士眾會道場。乃至或處天龍八部人非人等眾會道場。處於如是種種眾
會。以圓滿音。如大雷震。隨其樂欲成熟眾生。乃至示現入於涅槃。
16 如是一切我皆隨學。如今世尊毘盧遮那。如是盡法界。虛空界。十方三世一切佛刹所有
塵中。一切如來皆亦如是。於念念中。我皆隨學。
18 如是虛空界盡眾生界盡。眾生業盡。眾生煩惱盡。我此隨學無有窮盡。念念相續。無有
間斷。身語意業。無有疲厭。

20 IX. 恒順眾生：

V15. 所有十方一切刹 廣大清淨妙莊嚴 眾會圍遶諸如來 悉在菩提樹王下

22 V16. 十方所有諸眾生 願離憂患常安樂 獲得甚深正法利 滅除煩惱盡無餘
復次善男子。言恒順眾生者。謂盡法界。虛空界。十方刹海。所有眾生種種差別。所謂
24 卵生。胎生。濕生。化生。或有依於地水火風而生住者。或有依空及諸卉木而生住者。
種種生類。種種色身。種種形狀。種種相貌。種種壽量。種种族類。種種名號。種種心
26 性。種種知見。種種欲樂。種種意行。種種威儀。種種衣服。種種飲食。處於種種村營
聚落城邑宮殿。乃至一切天龍八部人非人等。無足二足。四足多足。有色無色。有想無
28 想。非有想。非無想。

如是等類。我皆於彼。隨順而轉。種種承事。種種供養。如敬父母。如奉師長。及阿羅
30 漢。乃至如來。等無有異。

2 於諸病苦。爲作良醫。於失道者。示其正路。於闇夜中。爲作光明。於貧窮者。令得伏藏。菩薩如是平等饒益一切眾生。

4 【平等相】：何以故。菩薩若能隨順眾生。則爲隨順供養諸佛。若於眾生。尊重承事。則爲尊重承事如來。若令眾生歡喜者。則令一切如來歡喜。【note:括弧內，是筆者所
6 加入說明的。】

8 【差別相】：何以故。諸佛如來。以大悲心而爲體故。因於眾生。而起大悲。因於大悲。生菩提心。因菩提心。成等正覺。

譬如曠野沙磧之中。有大樹王。若根得水。枝葉華果悉皆繁茂。

10 生死曠野菩提樹王。亦復如是。一切眾生而爲樹根。諸佛菩薩而爲華果。以大悲水。饒益眾生。則能成就諸佛菩薩智慧華果。

12 【平等相、差別相不二】：何以故。若諸菩薩。以大悲水。饒益眾生。則能成就阿耨多羅三藐三菩提故。

14 是故菩提。屬於眾生。若無眾生。一切菩薩。終不能成無上正覺。

善男子。汝於此義。應如是解。以於眾生心平等故。則能成就圓滿大悲。以大悲心。隨
16 眾生故。則能成就供養如來。

菩薩如是隨順眾生。虛空界盡。眾生界盡。眾生業盡。眾生煩惱盡。我此隨順無有窮盡。
18 念念相續。無有間斷。身語意業。無有疲厭。

X. 普皆迴向：（一）、總說 （二）、別顯：【別發十大願】

20 （一）、總說：

【1.迴向眾生】 復次善男子。言普皆迴向者。從初禮拜。乃至隨順。所有功德。皆悉
22 迴向。盡法界。虛空界一切眾生。

【2.迴向菩提】：

24 【A.願離苦得樂、截惡成善】：願令眾生常得安樂。無諸病苦。欲行惡法皆悉不成。所修善業。皆速成就。關閉一切諸惡趣門。開示人天涅槃正路。

26 【B.願發心代苦、成就菩提】：若諸眾生。因其積集諸惡業故。所感一切極重苦果。我皆代受。令彼眾生悉得解脫。究竟成就無上菩提。

28 【3.迴向實際】 菩薩如是所修迴向。虛空界盡。眾生界盡。眾生業盡。眾生煩惱盡。我此迴向無有窮盡。念念相續。無有間斷。身語意業。無有疲厭。

2 (二)、別顯：【別發十大願】

1.) 受持願：

4 V17. 我為菩提修行時，一切趣中成宿命；常得出家修淨戒，無垢無破無穿漏。

V18. 天龍夜叉鳩槃荼，乃至人與非人等；所有一切眾生語，悉以諸音而說法。

6 2.) 修行二利願：

V19. 勤修清淨波羅蜜，恒不忘失菩提心；滅除障垢無有餘，一切妙行皆成就。

8 V20. 於諸惑業及魔境，世間道中得解脫；猶如蓮華不著水，亦如日月不住空。

3.) 成熟眾生願：

10 V21. 悉除一切惡道苦，等與一切群生樂；如是經於刹塵劫，十方利益恒無盡。

V22. 我常隨順諸眾生，盡於未來一切劫；恒修普賢廣大行，圓滿無上大菩提。

12 4.) 不離願：

V23. 所有與我同行者 於一切處同集會 身口意業皆同等 一切行願同修學

14 V24. 所有益我善知識 為我顯示普賢行 常願與我同集會 於我常生歡喜心

5.) 供養願：

16 V25. 願常面見諸如來 及諸佛子眾圍遶 於彼皆興廣大供 盡未來劫無疲厭

V26. 願持諸佛微妙法 光顯一切菩提行 究竟清淨普賢道 盡未來劫常修習

18 6.) 利益願：

V27. 我於一切諸有中 所修福智恒無盡 定慧方便及解脫 獲諸無盡功德藏

20 V28. 一塵中有塵數刹 一一刹有難思佛 一一佛處眾會中 我見恒演菩提行

7.) 轉法輪願：

22 V29. 普盡十方諸刹海 一一毛端三世海 佛海及與國土海 我遍修行經劫海

V30. 一切如來語清淨 一言具眾音聲海 隨諸眾生意樂音 一流佛辯才海

24 V31. 三世一切諸如來 於彼無盡語言海 恒轉理趣妙法輪 我深智力普能入

8.) 淨土願：

26 V32. 我能深入於未來 盡一切劫為一念 三世所有一切劫 為一念際我皆入

V33. 我於一念見三世 所有一切人師子 亦常入佛境界中 如幻解脫及威力

28 9.) 承事願：

2 V34. 於一毛端極微中 出現三世莊嚴刹 十方塵刹諸毛端 我皆深入而嚴淨

V35. 所有未來照世燈 成道轉法悟群有 究竟佛事示涅槃 我皆往詣而親近

4 10.) 成正覺願：

V36. 速疾周遍神通力 普門遍入大乘力 智行普修功德力 威神普覆大慈力

6 V37. 遍淨莊嚴勝福力 無著無依智慧力 定慧方便諸威力 普能積集菩提力

V38. 清淨一切善業力 摧滅一切煩惱力 降伏一切諸魔力 圓滿普賢諸行力

8 ◎ 總結無盡大願：

V39. 普能嚴淨諸刹海 解脫一切眾生海 善能分別諸法海 能甚深入智慧海

10 V40. 普能清淨諸行海 圓滿一切諸願海 親近供養諸佛海 修行無倦經劫海

V41. 三世一切諸如來 最勝菩提諸行願 我皆供養圓滿修 以普賢行悟菩提

12 ◎小結：善男子。是為菩薩摩訶薩十種大願具足圓滿。若諸菩薩。於此大願。隨順趣

入。則能成熟一切眾生。則能隨順阿耨多羅三藐三菩提。則能成滿普賢菩薩諸行願海。

14 是故善男子。汝於此義。應如是知。

◎ V42. 一切如來有長子 彼名號曰普賢尊 我今迴向諸善根 願諸智行悉同彼

16 V43. 願身口意恒清淨 諸行刹土亦復然 如是智慧號普賢 願我與彼皆同等

◎ V44. 我為遍淨普賢行 文殊師利諸大願 滿彼事業盡無餘 未來際劫恒無倦

18 V45. 我所修行無有量 獲得無量諸功德 安住無量諸行中 了達一切神通力

V46. 文殊師利勇猛智 普賢慧行亦復然 我今迴向諸善根 隨彼一切常修學

20 ◎ V47. 三世諸佛所稱歎 如是最勝諸大願 我今迴向諸善根 為得普賢殊勝行

(二)、顯經勝德：【A.校量聞經德 B.顯餘眾行德】

22 A.校量聞經德：

若有善男子善女人。以滿十方無量無邊不可說不可說佛刹極微塵數一切世界。上妙七寶

24 及諸人天最勝安樂。布施爾所一切世界所有眾生。供養爾所一切世界諸佛菩薩。經爾所

佛刹極微塵數劫。相續不斷。所得功德。若復有人。聞此願王。一經於耳。所有功德。

26 比前功德。百分不及一。千分不及一。乃至優波尼沙陀分。亦不及一。

B.顯餘眾行德：【a.總明法行 b.廣顯眾德】

2 a. 總明法行：

或復有人。以深信心。於此大願。受持讀誦。乃至書寫一四句偈。速能除滅五無間
 4 業。所有世間身心等病。種種苦惱。乃至佛刹極微塵數一切惡業。皆得銷除。一切
 魔軍。夜叉羅刹。若鳩槃荼若毘舍闍。若部多等。飲血噉肉諸惡鬼神。皆悉遠離。
 6 或時發心。親近守護。

b. 廣顯眾德：【1. 通名五果 2. 別顯勝果】

8 1. 通名五果：

【1.明增上果】：是故若人誦此願者。行於世間。無有障礙。如空中月出於雲
 10 翳。諸佛菩薩之所稱讚。一切人天皆應禮敬。一切眾生悉應供養。

【2.明等流果】：此善男子。善得人身。圓滿普賢所有功德。不久當如普賢菩
 12 薩速得成就微妙色身。具三十二大丈夫相。

【3.異熟果】：若生人天。所在之處。常居勝族。

14 【4.土用果】：悉能破壞一切惡趣。悉能遠離一切惡友。悉能制伏一切外道。

【5.離繫果】：悉能解脫一切煩惱。如師子王摧伏群獸。堪受一切眾生供養。

16 2. 別顯勝果：

V48. 願我臨欲命終時 盡除一切諸障礙 面見彼佛阿彌陀 即得往生安樂刹

18 V49. 我既往生彼國已 現前成就此大願 一切圓滿盡無餘 利樂一切眾生界

V50. 彼佛眾會咸清淨 我時於勝蓮華生 親睹如來無量光 現前授我菩提記

20 V51. 蒙彼如來授記已 化身無數百俱胝 智力廣大遍十方 普利一切眾生界

V52. 乃至虛空世界盡 眾生及業煩惱盡 如是一切無盡時 我願究竟恒無盡

22 ○ 又復是人。臨命終時。最後刹那。一切諸根悉皆散壞。一切親屬悉皆捨離。一切威
 勢悉皆退失。輔相大臣。宮城內外象馬車乘。珍寶伏藏。如是一切無復相隨。唯此願王
 24 不相捨離。於一切時。引導其前。一刹那中。即得往生極樂世界。

- 2 ○ 到已即見阿彌陀佛。文殊師利菩薩。普賢菩薩。觀自在菩薩。彌勒菩薩等。此諸菩薩色相端嚴。功德具足。所共圍遶。其人自見。生蓮華中。蒙佛授記。
- 4 ○ 得授記已。經於無數百千萬億那由他劫。普於十方不可說不可說世界。以智慧力。隨眾生心。而為利益。
- 6 ○ 不久當坐菩提道場。降伏魔軍。成等正覺。轉妙法輪。能令佛刹極微塵數世界眾生。發菩提心。隨其根性。教化成熟。乃至盡於未來劫海。廣能利益一切眾生。

8 (三)、勸囑受持

V60. 若人於此普賢願 讀誦受持及演說 果報唯佛能證知 決定獲勝菩提道

10 V61. 若人誦此普賢願 我說少分之善根 一念一切悉皆圓 成就眾生清淨願

V62. 我此普賢殊勝行 無邊勝福皆迴向 普願沈溺諸眾生 速往無量光佛刹

- 12 善男子。彼諸眾生。若聞若信此大願王。受持讀誦。廣為人說。所有功德。除佛世尊餘無知者。是故汝等。聞此願王。莫生疑念。應當諦受。受已能讀。讀已能誦。誦已能持。乃至書寫。廣為人說。是諸人等。於一念中。所有行願。皆得成就。所獲福聚無量無邊。能於煩惱大苦海中。拔濟眾生。令其出離。皆得往生阿彌陀佛極樂世界。

16 ◎流通分：

- 爾時普賢菩薩摩訶薩。於如來前。說此普賢廣大願王清淨偈已。善財童子。踊躍無量。一切菩薩皆大歡喜。如來讚言。善哉善哉。爾時世尊。與諸聖者菩薩摩訶薩。演說如是不可思議解脫境界勝法門時。文殊師利菩薩而為上首。諸大菩薩。及所成熟。六千比丘。彌勒菩薩而為上首。賢劫一切諸大菩薩。無垢普賢菩薩而為上首。一生補處住灌頂位諸大菩薩。及餘十方種種世界。普來集會。一切刹海極微塵數諸菩薩摩訶薩眾。大智舍利弗。摩訶目犍連等。而為上首。諸大聲聞。并諸人天一切世主。天龍、夜叉、乾闥婆、阿脩羅、迦樓羅、緊那羅、摩[目*侯]羅伽、人非人等、一切大眾。聞佛所說。皆大歡喜。
- 24 信受奉行。

《廣大發願頌》

(大正藏卅二冊，756b-757a)

龍樹菩薩造

施護等譯

- | | | | |
|-------------|---------|---------|---------|
| 1. 所有一切眾生類 | 過未現在世無盡 | 而諸佛刹廣無邊 | 彼無邊刹塵充滿 |
| 2. 又一一塵為一刹 | 廣大佛刹如塵等 | 一一刹中正覺尊 | 如塵無量我普禮 |
| 3. 彼塵倍聚諸佛刹 | 刹中佛佛我稱讚 | 我常供養以一心 | 經如塵數廣大劫 |
| 4. 頂禮諸佛及法眾 | 我於三寶常歸命 | 我悉持以諸妙華 | 及眾寶聚常普施 |
| 5. 若我已起一切罪 | 我今普盡而懺悔 | 若我未生一切罪 | 我一切時常遠離 |
| 6. 所有一切勝福事 | 我於一切常隨喜 | 此福迴向於有情 | 及佛無上菩提果 |
| 7. 如佛正法中所說 | 願力堅固復真實 | 我常供養諸世尊 | 願我最後得成佛 |
| 8. 願我生生具深智 | 常如妙吉祥菩薩 | 悲心息苦救世間 | 願如觀自在菩薩 |
| 9. 賢善愛眼視眾生 | 願與普賢尊無異 | 慈意善觀諸情品 | 願我常如慈氏尊 |
| 10. 布施願如虛空庫 | 持戒願如神通慧 | 忍辱精進二度門 | 願我悉如常精進 |
| 11. 定力能攝諸散亂 | 願我得如金剛手 | 善說十地諸法門 | 說智願如金剛藏 |
| 12. 於佛世尊善請問 | 願我得如除蓋障 | 深心智慧具堅固 | 願我常如堅固慧 |
| 13. 神通無礙善方便 | 願我得如無垢稱 | 善護眾生諸善根 | 勤勇願如常勇猛 |
| 14. 善說波羅蜜等法 | 願我得如無盡意 | 具足無量妙音聲 | 願與妙音尊無異 |
| 15. 近善知識心無懈 | 願我生生如善財 | 虛空無喻法能宣 | 願我得如虛空藏 |
| 16. 地能長養諸世間 | 普利願如地藏尊 | 息除貧苦利眾生 | 願與寶藏神無異 |
| 17. 語出無盡妙法寶 | 願我得如曇無竭 | 智慧堅利復常勤 | 願與常啼尊無異 |
| 18. 此等最上諸佛子 | 最勝功德聚無邊 | 名稱廣大復無盡 | 願我名稱亦如是 |
| 19. 我此讚佛功德聚 | 最上勝善極廣大 | 普願世間諸有情 | 住彼最勝功德聚 |

普賢菩薩發願文

天台智者大師撰

稽首十方三世一切諸佛。願當證知某甲。諸佛所有一切波羅蜜行。我今然當如彼修學。唯願諸佛如來慈悲哀念。我願於菩提心得大固力。於不可思議諸佛法中得深信力。於多聞中得不忘力。於往來生死中得無疲倦力。於諸眾生中得堅大悲力。於布施中得堅捨力。於持戒中得不壞力。於忍辱中得堅受力。魔不能壞得智慧力。於深法中得信樂力。一者：願我於一切生處。一切法中。常得供養十方一切諸佛。盡未來際無有休息。二者：願我受持如來甚深法海。即自明解不由佗悟。盡未來際無有休息。三者：諸佛坐道場處。願我於中作攝法上首。請轉法輪度脫眾生。盡未來際無有休息。四者：願我修行一切諸菩薩無邊廣大願。盡未來際無有休息。五者：願我教化一切眾生。卵生胎生濕生化生。悉皆令入無餘涅槃。盡未來際無有休息。六者：願我生諸

佛刹如對目前。盡未來際無有休息。七者：願我嚴淨諸佛如來甚深刹海。盡未來際無有休息。八者：願我與一切諸菩薩同行。集諸善根。盡未來際無有休息。九者：願我所有身口意業。眾生見聞皆獲利益。如藥樹王無空過者。盡未來際無有休息。十者：願我於一切微塵道中成等正覺。轉大法輪度脫眾生。盡未來際無有休息。佛子若能發此十大願者。百萬阿僧祇願門皆悉見發。願以此廣大誓願。種種善根。迴向一切眾生。願皆永離三惡道苦。具足普賢菩薩行願。我又以此善根。迴向無上菩提。不求世間二乘果報。我又以此善根。迴向真如法界海。真如無滅無漏無為。不可破壞。願我善根亦復如是。如三世諸佛迴向。我亦如是迴向。迴向已。歸命禮三寶。